

**A** diebus detur infirmo ad bibendum Luna deficiente. ¶ *Ad idem.* R. Brusci radices, asparagi radices, radices fœniculi, radices uiolæ, cymæ oliuæ, cortices fagi, paululum radicum acori, cortices ulmi, flores stœchados, rosæ agrestis, uel rosæ caninæ, quæ omnia lauentur nouies in aqua: & cōcoquantur in uino usq; ad tertiam: & postea misceatur paululum mellis, & piperis, & ita bibat. Item uitis albæ radicem tritā cum axungia superpone frequenter. ¶ *Ad idem.* Succus capparis, & succus fumiterræ misti & bibiti ualde profunt.

*Ad glandulas.*

Obuli cataplasma impone, & glandulas deficere certum est. Item folia persici cum sale tere, & superpone, mirifice profunt. Sed si fuerint duræ ipsæ glandulæ, fimum caprinum tere cum acetone, & in panno inuolue, & superpone. ¶ *Item ad scrofulas.* Tolle lacertam uiuam, & mitte in olla rudī, olei libram unam, & ibi se decoquāt. penitus aquam non tangat: postea unge mane & sero, uel decies in die. ¶ *Item potio ad idem.* Enulæ radices, gladioli, asphodeli, folia lauri: omnia coque in uini fortis phyalis nouem, quousq; ad tertiam redeat. dabis Luna deficiente.

*Contra uitia palati, & gutturis.*

**B** Diamoron de rubis, quod facit ad omnes causas palati, & gutturis: uulnam subleuat cadentem, & humorosam desiccatur. Recipe succi mororum rubi, libras duas, mellis libram unam, sapa, libram unam: quod cōficitur sic, succum cum melle & sapa in uase æneo stannato ad leues prunas decoque, & ad perfectam decoctionem feruefacere desine. Quando uero coctum fuerit scies, quia posita de eo gutta super marmore, si se retinuerit ut mel, bene coctum est. tunc in uase stagnato reconde, & usui reserua. quando opus fuerit, ex eo palatum & uulnam unge, aut ad gargarizandum dabis. ¶ *Aliud ad idem, & ad uulnera faucium alba, uel nigra.* Recipe balaustrij, succi corticis granati sicci, amborum añ. ʒ. iij. aluminis scissi, mastiches añ. ʒ. i. tere, & in puluerem redige, & cum decoctione croci collige: & quando opus fuerit, locis dolentibus unge.

*Ad uocem clarificandam electuarium.*

Recipe cymini assi. ʒ. ij. seminis sinapis, piperis añ. ʒ. xv. calaminthes, pyrethri, cinnamomi añ. ʒ. i. mellis quod sufficit.

*Ad tussim ueterem & nouam.*

**C** Sotira magna cum uino detur eunti dormitum. Simili modo Eucharistum datur cum sotira mistum tussientibus. Utile etiam est, diabutyru pectori & tussientibus. Idem facit diacalaminthes. ¶ *Item ad raucedinem.* Apij semen, cymini Syriaci, seminis fœniculi, seminis anethi, seminis pulgij añ. cochleare. i. in puluerem redige: & cum fœnigræci succo da ad bibendum per triduum: res est nimis salubris. ¶ *Pilula ad tussim probata.* Recipe styracis. ʒ. i. opij, galbani, sulfuris uiui, terebinthina, añ. ʒ. ij. piperis nigri. ʒ. xv. tempera cum succo apij, & da eunti dormitum aut. iij. aut. v.

*De præcordiorum passionibus.*

Quibus color rubeus apparet in facie, aliquando post hoc in pallorem conuertitur: & tunc uadit dolor inter scapulas, uel tibias, & tussit: & quod proijcit ab ore, saporem salis habet, & memoriam non habet, & uidentur esse aspera, quæ uidet. Hunc deuita, quia moriturus est: sin minus, ita curabis, diaprasi utile est, diaireos uitij pectoris, sic diacalaminthes, aut climax. i. aristo. uel uitis alba, & diaolibanu catarrho, & tussi. *Electuarium expertum ad uitium pulmonis, & ad omne rheuma descendens à capite ad thoracem, & qui sanguinem expuunt, & ad raucedinem uocis, & qui male ructant ab ardore stomachi, & synanchen, quæ in faucem rumpit, & stranguriam, quæ ex phlegmate fit, curat.* Recipe spicæ nardi, anisi, cinnamomi, tragaganthæ, gonphitæ, id est, styracis, hyssopi, petroselini, piperis al. gariophyllorum, seminis fœniculi, daetyli, carui, rhu pontici ana. unc. i. mellis quod sufficit. da mane & sero. ¶ *Item aliud probatum ad uitium pulmonis, & omnem tussim.* Recipe raphani, pyrethri, enulæ, elenij, iridis Illyricæ, piperis ana. unc. i. dabis mane & sero. ¶ *Electuarium dianthu, quod optime facit contra cardiacos, phthificos, hepaticos, confortat illos,*

**D** qui sunt debiles natura, & ex longa infirmitate curat. Absinthij florum libras duas, & frondis eius libram unam, sandali rubri & albi ana libram unam. gariophyllorum, spicæ, galangæ ana unc. ʒ. piperis longi. ʒ. ʒ. mastiches ana drachmas duas, liquiritiæ libram unam, succi eius unc. unam, sacchari libram unam, rosæ unc. quatuor, mel quod sufficit. ¶ *Diapenidion magnum, quod facit asthmaticis, arthriticis, sicce tussientibus, uocem perditam ex calore perfecte reparat, phthificis, peripleumonicis, & pleuriticis subuenit.* Recipe penidiarum, drach. c. pinearum, amygdalarum purgatarum, seminis papaueris albi, omnium trium drach. xxx. cinnamomi, gariophyllorum, zingiberis, succi liquiritiæ, tragaganthæ, gummi ara. amyli, seminis citruli, melonis, cucumeris, cucurbitarum purgatarum ana unc. undecim, camphoræ, scrup. iij. syrupi uiolati quod sufficit. Conficitur sic, penidiæ cum syrupo, lento igne aliquantulum bulliant, & inde puluis terendorum temperetur. Detur mane & sero cum tepida.

¶ *Diapenidion minus, faciens ad uulnera, quæ intrinsecus sunt maturanda, omnes putredines expurgat, & conspata pectora mollit.* Recipe zingiberis, tragaganthæ, pinearum purgatarum, amygdalarum, anisi, seminis citruli, melonis, cucurbitæ, papaueris, omnium nouem ana drach. xij. spicæ, croci ana ʒ. vi. mellis ros. quod sufficit. Detur mane & sero cum tepida. ¶ *Epithema ad tumorem, uel dolorem, uel inflammationem hepatis.* Recipe rosarum, trium sandalorum, farine hordei æquale pondus, tempera cum succo solani & cum aqua frigida. ¶ *Tryphera magna, quæ facit ad dolorem stomachi ex frigidityte, sic ut quando accepta fuerit, str-*

Spurij.

D si ij iij

## GAL. ATTRIBVTVS ALTER

tim patientem ad sudorem prouocet, phreniticis, & mulieribus, quæ ex melancholia de matrice insomnia patiuntur, suauiter somnum præstat, rheumaticis, & qui faciunt uentrem cum sanguine, utilissima est. ascarides & lumbricos educit, & menstrua prouocat cum mulla data. Recipe opij unc. ij. cinnamomi, gariophyllorum, galangæ, spicæ, zedoariæ, zingiberis, costi, styracis, calami aroma. cyperi, iridis, peucedani, acori, mandragoræ, celticæ, rosæ, piperis, anisi, apij, petroselinii, fœniculi macedonici, dauci, hyoscyami, ocymi seminis. omnium xxv. ana unc. i. mellis quod sufficit. ¶ Ad infusionem. Recipe squamam ferri, & tere, & misce cum melle, & cum succo menthæ, sanicenæ, id est herbæ sanctæ mariæ, & succo abrotani, & pastillato, mitte in testa posita super caueam terræ, & sic coque, donec siccetur multum, & referua: quando opus est accipe cochlearium unum puluerizatum usque ad dies nouem, & bibe post acceptionem, uel misce in uase uini puluerem, & quassatum bibat. similiter probatum est. ¶ Triasandali expertum ad dolorem hepatis ex calore, ictericorum colorem emendat potenter, & omnem calorem intraneorum usitatum extirpat, & sitim intolerabilem temperat. Recipe diagridij in cytonijs cocti drach. xxvij. zaccaræ, spodij, rosarum babilonicarum ana drach. ix. sandali albi, rubri, & citrini, succi liquiritiæ, seminum portulacæ omnium ana drach. iij. rhu barbari, croci orientalis, amborum ana drach. iij. camphoræ. 3. i. & 3. i. Sirupi Galeni quod sufficit, dos eius drach. iij. cum tepida. ¶ Ad ictericos. Accipe uirgam, quæ fit de aræ, & intinctam in forti aceto pone in oculis. Item facies de succo pomorum granatorum amarorum. ¶ Ad idem. Rosmarinus coquatur in uino optimo, & decoctione eius infrigidata, nocte & die utatur. ¶ Electuarium diaprasii, siue sancti Petri, quod ualet ad causas pectoris, & ad febres ex his natas, & ad tussim maxime prodest. Recipe hyssopi, serpylli, fœnigræci, anisi, ana 3. ij. iridis illyricæ. 3. iij. origani, pulegij, calaminthes, scyllæ, prasi syluestris, & domestici ana drach. ij. herbæ uirides concoquantur in quindecim sextarijs aquæ, ut ad tertiam redeant, pnsantur, & exprimantur fortiter. Ius aquæ decoctionis misceatur cum melle. 3. v. lente super carbones bulliant, donec aqua consumatur: deinde mitte pinearum, dactylorum, caricarum pinguium mundatarum & pinsitarum añ. 3. iij. tragaganthæ. postremo his optime expressis, addatur pulueris liquiritiæ. 3. iij. gallæ muscatæ. 3. i. gariophyllorum, galangæ, zedoariæ, spicæ, cinnamomi, rhu pontici añ. 3. iij. confice, & usui referua. Sotira asthmaticis auxiliatur, Theodorico anacardinum ictericis medetur. hiera fortissima idē facit. ¶ Pilule probatæ ad tussim. R. myrrhæ, croci, castorij, styracis, galbani, piperis, opij añ. 3. i. olei laurini. 3. xv. costi, casia fistulæ ana. 3. f. ¶ Alia ad idem. R. myrrhæ, castorij, galbani, tragaganthæ, opij, styracis, añ. 3. f. croci. 3. iij. ¶ Ad uocem meliorandam. Accipe lardum recentem de porco multum crasso, cum aqua tepida, depilato & tantundem enulæ: facq; in olla bullire per totum diem, & carne consumpta fac iterum bene excoqui ius eius, quo excocto utatur quilibet sicut uoluerit. probatū est. ¶ Antidotum ad splenem. Recipe costi, spicæ celticæ, pulegij, rhu pontici, aristolochiæ longæ, casia fistulæ, squinanthi ana drach. iij. dabis. 3. ij. Item accipe uerbenam, & chelidonium, fac tortellos, & comede. ¶ Item ad splenem res probata. Cortices fraxini excoque in uino, & bibat quotidie donec sanetur. Si uis probare, da porcello per triduum ut bibat, & in quarto occide ipsum, & non inuenies splenem. Item radix ebuli cum syluestri rapa decocta & superposita splenis duritiem ualde remollit. ¶ Item ad idem. Tamarisci in uino decocti, & quadraginta diebus continuis bibendo eius decoctum, mirifice prodest. Scypho etiam de eo facto, si cum eo assidue potetur, splenis duritia dissoluitur. Item potio Esdræ cum diagridio mirifice prodest. Item acetum scylliticum splenem cito extenuat: conficitur autem sic. Scyllam sume, & eius durissima & tenerrima remoue, & medium per aliquot dies dimitte ut consenescat, & postea libram unam & uncias sex sume, & in aceti lib. xij. pone ad Solem per uiginti dies: quibus expletis per sacculum diu extrica, & proiecta scylla in uase uitreo conde & utere. facit etiam hydropicis & stomachicis.

† ad. asthmaticis.

Contra uitia stomachi.

Ad stomachi dolorem & rugitum, siler, & cuminum coque in uino falerno: & pone super stomachum. ¶ Item ad uentositatem & dolorem non solum stomachi, sed etiam uentris & ilium ex frigiditate nata: expertum est. Recipe baccarum lauri partes duas, & tantundem rutæ, & cymini partem unam, & his tritis commisceantur: & mistis apponatur de melle quantum sufficit, & ponatur in frixorio super ignem, donec fiat calidum satis, & dolenti loco superponatur. ¶ Diatrion pipereon stomachis cibos non digerentibus, & postremo ad omnem imbecillitatem stomachi ualet. Idem facit diapepereon. Ad idem. Zingiber conditum, quod recipit radices eringij bene mundatas & purgatas atque lauatas libris quinque, deinde immutata aqua bene coquantur. Postea de aqua colando siccantur: sic puluerem illius libræ unius zingiberis in aqua rosata per noctem uel amplius mollificati cum melle sufficienti bene desputato commisceas: ita tamen quod radices ipse in prædicto melle prius bene bulliant: & tunc de mum omnibus bene iunctis aliquantulum, uel usque ad mellis spissitudinem coque: & sic repone. ¶ Item ad idem, confectio marmoridarum, id est penidiarum habentium duritiem marmoris. Recipe sacchari libras duas, solue cum frigida: quibus commisce pulueris cinnami, zingiberis ana drach. iij. gariophyllorum, galangæ, spicæ ana drach. ij. pone super ignem, & tamdiu coqui dimitte semper agitando, usq; dum aqua consumpta fuerit: sed spathula nunquam recedat: deinde tres guttas olei super mundum marmor mitte, quod sit in modum tabellæ, & incide, & utere. Sed si uis laxatiuum facere, mitte ibi 3. ij. diagridij. ¶ Ad uomitum superius, & inferius. Recipe thapsiæ lib. f. cataputiæ lib. f. agarici.

**A** agarici. ʒ. iij. atriplicis, rapæ radicis ana ʒ. ij. croci. ʒ. iij. mellis quod sufficit. ¶ *Aliud.* Recipe thapsiæ. ʒ. ix. cinnamomi. ʒ. ij. f. mellis quod sufficit. ¶ *Vomitibus suavisissimis, & sine angustia purgans cholera uisitam.* Recipe thapsiæ libram mediam, castaneolę, condisi, cinnami crassi, lathyridum mundatarum, croci hortulani, ana ʒ. iij. mel quod sufficit: dabis in modum nucis cum calida. ¶ *Alius uomitus.* Recipe thapsiæ libras duas, croci libram unam, condisi. ʒ. iij. cinnami. ʒ. iij. mel quod sufficit: datur ut supra. ¶ *Vomitibus sine periculo.* Recipe succi cyclaminis, atriplicis feminis, spermatis genestellæ ana ʒ. iij. cinnami. ʒ. f. mellis quod sufficit. ¶ *Item alius, qui sic fit.* Recipe mellis cyathum. i. aquæ cyathos duos, aceti cyathos tres, coque ad medietatem, deinde rasanum ibi intingas, & manduca: & bibe de ipso oxymelite. ¶ *Ad uomitum.* Mitte in uase fictili libram unam aceti, & tantundem aquæ, & tamdiu bulliat donec aqua consumatur. ¶ *Ad uomitum & dolorem, & concussionem stomachi cum uentris dolore.* Recipe sumac, mastiches, carpobalsami añ. ʒ. ij. feminis bauciæ, carui, cardamomi. ana drach. ij. spicæ † drach. i. trita in uino mitte cum. ʒ. f. de croco: post addes corticum citri uiridis, aut menthæ unciam unam, & succum menthæ, & succum turionis uitis, confice, durat per annum. ¶ *Ad uomitum stringendum.* Nymphæam bibe cum uino distemperatam per tres dies. ¶ *Ad idem.* Nepitam coquas in lacte caprino: prodest si bibas per triduum. Item tolle olibanum, & succum menthæ, & parum aceti, & simul confice: & facto emplastro pone in furcula gulæ, & super stomachum. ¶ *Ad uomitum nimium, & uentris solutionem.* Recipe cuminum, & fac bullire in aceto, & da patienti ad bibendum & manducandum. ¶ *Electuarium ad uomitum prouocandum.* Recipe ellebori albi lib. f. tritum sicca, cribella, fac tegulam calidam, & desuper pone puluerem modica hora: deinde mitte tres phialas mellis despumati in olla, & ipse puluis insimul bulliat in ipso melle, & reponere: quandoq; opus fuerit, da cochleare unum, & facit uehementer uomere sine angustia. ¶ *Ad uenam ruptam interius restringendam.* Bibat parum nasturtij feminis, aut adrianum balsamatum cum mulsa calida, aut athanasiam cum succo plantaginis, aut trypheram magnam cum mulsa, quæ etiam uomitum, & dysenteriam cum calida mire curat. Similiter oleum muscellinum uomitum stringit, & angustiam tollit. ¶ *Ad idem.* Boli armeni partem unam, gummi saracenicum partem alteram, & tragaganthæ tertiam. hæc omnia temperabis cum uino ueteri, fac pilulas, & exinde dabis. iij. ¶ *Ad idem.* Laccaprinum coque simul cum tragagantho: & utere uno die in modum electuarij.

*De stringendo sanguine.*

Ad stringendum omnem sanguinem folia enulæ tere & impone. hoc etiam cum sale & urtica imposita fistulam stringit. ¶ *Aliud.* Corticem medium caprifici rasum impone. probatum est. Item cepam finde & impone. satis probatum est. ¶ *Ad hæmopticos.* Sanguinem draconis, aloen, symphytum, alumen ex æquo trita, dabis cum aqua frigida, uel cum succo arnoglossi. ¶ *Electuarium ad stomachum, quod asthmaticis peculiariter prodest.* Recipe galangæ, gariophyllorum, piperis, zingiberis, costici. ana drach. ij. spicæ, mastiches. ana drach. iij. xylobalami drach. iij. gonphitæ, myrrhæ. añ. ʒ. f. cinnamomi. unc. i. liquiritiæ. ʒ. ij. rosarum. ʒ. ij. f. croci. ʒ. ij. f. mellis quod sufficit. ¶ *Item ad eos qui sanguinem fundunt ex ruptura uenæ.* R. symphytum, & bolum. añ. ʒ. ij. fac puluerem, & bibe cum aqua pluuiali per triduum in mane.

*De singultu.*

Ad singultum tollendum. Mitte manus & pedes in aqua calida: & postea apprehende spongiam, & intinge in aceto, & superpone stomacho. Item tere rutam uiridem, & cuminum in oleo frigido, & in stomacho fascia. Item aquam pluuialem, & zingiber bibant, & cuminum manducant. Item in aqua calida sedeant: & aquam decoctionis zingiberis, & galangæ bibant. ¶ *Ad idem.* Sotira cum mulsa bibita mirifice prodest. Item accipe castorium, & tere, & fac puluerem: & da patienti ad comedendum. ¶ *Oleum ad debilitatem stomachi, ad uentositatem, facit etiam debilitati hepatis.* Recipe olei rosati. ʒ. i. mastiches. ʒ. iij. uel ʒ. i. ceræ albæ. ʒ. ij. hoc in æstate fiat. Si autem fuerit hyems: adde laurini. ʒ. ij. costi. ʒ. i. hæc omnia cõcoquantur lento igne in testa: & bene liquefacto tepide, totus stomachus ungetur, & tegatur stuppa.

*De signis hepaticorum, & splenicorum, uitæ, & mortis.*

Qui tussit nimium, & in latere dextro nequiuert quiescere, & quod proijcit ex ore dulce est: hoc accidit ex icore, & si nullam memoriã habet, & frequenter nares eius sanguinent, & pes eius dexter tumuerit, & nihil sumere desiderauerit præter aquã, post uesperã & circa uesperã pigritiã uel lassitudinem passus fuerit: qui ista signa habuerit, morietur. Quicumq; uero apostema patitur, & ista signa non habuerit, huc debes curare ita cum antidoto apij: quod ita conficitur. Succum apij cyathos duos coque in similitudinẽ mellis, tunc cõ pauco uino, & butyro, & terebinthina añ. ʒ. i. pyrethri. ʒ. f. cõmiscẽ, & lento igne decoque: & da mane & sero in modum auellanæ. Super latus autem illud pone emplastrum oxyracroceũ: & da sibi hieram Gal. & picram eiusdem, herbam artemisiã tritam cum uino, & cum ferro cãdente calefactam quotidie bibat, & sanabitur: sed & alia superius experimenta & portiones scriptas, si hæc non plene profuerint, ut cures dabis.

*De splenitica passione.*

Qui in illa fugiter die noctuq; tristis apparet, & dolorẽ in sinistro latere patitur semper, & in eodem loco ubi dolet tumescit, & pedes, & tibiæ eius tumescunt, & dormire nequit, & nihil delectat

Spurij.

D<sup>a</sup> iij

edere,

## GALENO ATTRIBVTVS ALTER

edere, & urina sua croco similis fit, & fastidium habet, moriturus est. si autē hęc signa nō habuerit, E  
supra scriptis medicinis curetur. ¶ Ad splenem probatum. R. splenem erinacei terreni recentem uel sic-  
cum, tere, cum uino albo infirmo acum in manu sinistra tenenti in die Iouis Luna deficiēte dato.

*De passionibus uentris.*

Qui in illa die multum nauseat, & siquid manducat aut bibit, illi nō proficit, & pedes eius sem-  
per calorem generant, et dolorem patitur sicut de passione uesicę: ista signa mortalia sunt. Sin mi-  
nus, ita curetur, Eucharistum ei dabis. ¶ Item cataplasma tale fac. Incende fustem caprifici, & fac cine-  
rem, & tempera cum pice liquida, & pone calidum ubi dolor sentitur. Item portulacas siccas te-  
re, & cum calido oleo desuper pone.

*Medicine ad laxandum.*

¶ *Pilule ad laxandum multum.* Recipe aloes, scammonię, cocci cniđij, lathyridū æquale pondus, ma-  
stiches quantum medietas scammonię, confice cum lacte tithymali, dabis tres in modum ciceris,  
& postea dabis mulsam calidam, & ieiunet usq; ad horam nonam.

*Pannus ad uentris solutionem.*

Succum ellebori uiridis exprime: & ex eo totum umbilicum perunge: & pannum de oleo lini-  
tum superpone, & si de uiridi elleboro habere nō poteris, siccum in puluerem redigas, ipsumq; cū  
succo polypodij & mercurialis & cucumeris agrestis temperes, & ut supradictū est umbilicum  
perungas: & si uis ut uomat, stomacho superponas doctrina prædicta. ¶ Item ad uentris solutionem.

Lac anabule in carica fac fluere, & ignorante patiente ad comedendum dato: uel cum prædicto la-  
cte farinam tempera, & inde facias fritulas in fritorio cum adipe porcino frixas, ad comedendum  
dato. ¶ Item ad idem. R. cocci cniđij, euphorbij, croci orientalis æquale pondus, mellis quod suffi-  
cit, purgat per superius, & inferius. ¶ *Electuarium bonum ad laxandum.* R. esulę. ʒ. iij. gariophyllorum,

epithymi. ana. ʒ. i. baccare, elaterij, polypodij, mastiches, piperis, añ. ʒ. ij. mellis quod sufficit. ¶ Item  
ad soluendum uentrem. Fel taurinum inuolutum lana ad umbilicum positum uentrem soluit, & infan-  
tibus lumbricos necat. ¶ Ad idem catapotia Galeni. Recipe diagridij. ʒ. iij. colocynthidis, aloes ana. ʒ.

iiij. myrrhę. ʒ. ij. mastiches. ʒ. i. fac pilulas in modum ciceris. ¶ Ad uentrem laxandum. Accipe saui-  
nam, & mitte in cacabo, & bulliat fortiter: & postea extrahe, & pinse fortiter cū pinguedine por-  
ci, & iterum pone in caldario, & bulliat, & cola, & fac unguentum, & unge umbilicum. ¶ Ad idem.

Fel lupi pone ad umbilicum. ¶ Aliud unguentum mirabile adeo secessum prouocans, ut stercora constipatissima in mo-  
mento prouocet. Fel taurinum, aloen, sal gemmam, & oleum commisce, & orificium ad ignem for-  
titer unge. probatum est. ¶ Clyster. Recipe aloes lib. i. scammonię ʒ. iij. succi ebuli, succi betę at- G

que maluę palustris, & mercurialis semē, & oleum, & furfur coctum in aqua salsa, & sic super pul-  
uerem succi mittantur, & tepesactum iniċe. ¶ Clyster ad renum dolorem. Recipe ellebori nigri. ʒ. i. ra-  
dicis cucumeris agrestis. ʒ. iij. caricas numero. ix. aquę alexandrię. ʒ. i. cucurbitę mūdę. ʒ. ij. co-  
que ad tertiam, & iniċe. ¶ Ad dolorem uentris. Stercoris porcini, baccarum lauri, seminis fœniculi,

apij, ana. ʒ. i. rutę fasciculum unum, mastiches. ʒ. ij. fac puluerem, bulliat cum olei libris duabus, &  
cum lana infunde, & in uentre ligabis. ¶ Ad puncturā sub ubere. Mitte mel in sartagine, & fac tepi-  
dum, & extende super stuppam, & desuper asperge puluerem cymini, & impone loco dolenti,  
probatum est. ¶ Clyster quod facit ad nimiam solutionem uentris. Recipe cymas lentisci, cymas myrtę, ne-  
pitę, radices rubi, & cymas eius, coque omnia in uino, & iniċe. ¶ Antidotum ad uentrem stringendum de-

quacunq; distemperantia, ualet iliacis, dysentericis, & ad omnem solutionem. Recipe myrrhę, opij, acatię, prunel-  
lę, styracis. ana. drach. i. olibani, mastiches. ana. ʒ. ij. stœchados. ʒ. f. confice cum succo cymarum ru-  
bi, aut arnoglossi, fac catapotia, dabis quinque aut septem, & est mirabilis effectus. ¶ *Pilule ad om-*

*nem solutionem uentris.* Recipe balauſti, corticum maligranati, gallę, acatię, tartari, sumach, croci o-  
rientalis, gallę, mirtyllę æquale pōdus, opij quantum pensat medietas unius, & trita tempera cū  
succo myrtę, & lentisci, & fac pilulas in modum ciceris, & da. v. uel viij. eunti dormitum. ¶ Ad nau-  
seam uel fluxum stringendum. Puluerem mastiches tempera cum albumine oui, & fac uelut emplastrum  
in purpureo panno, & stomacho imponas, & prodest. ¶ Item ad uomitum stringendum, & tensionem stoma-  
chi, & defectionem. Baccarum lauri. ʒ. iij. cymini, rorismarini, absinthij. ana. drach. iij. pulegij. ʒ. ij. ma-  
stiches. ʒ. i. panis uſti. ʒ. ix. perunge stomachum de melle calido, & superasperge puluerem, & coo-  
peri cum lana, & fascia. ¶ Ad lumbricos necandos. R. folia herbę maurę, coque in uino, & misce parū  
mellis, expellet omnes mortuos. Item R. absinthij uiridis, git, lupini, pulueris fellis taurini, medul-

† ad. unc. v

lę cerui ana. ʒ. i. cere. ʒ. f. ¶ Contra dysenteriam. Sotira temperata cū succo sponsę Solis, uel myrtę  
utilissima est, uel athanasia cum succo plantaginis. seu solus succus semper uiuę. ¶ Ad idem. Acci-  
pe cotonea, & munda interius & exterius, & gallas, & cymini, & coque. Coctis autē, accipe deco-  
ctionem, & misce cum saccharo, & aqua, & bibe de tertia in tertiam diem, & liberaberis a fluxu.

¶ Item ad idem. Tryphera magna cum tepida potata omnem dysenteriam omnino sanat, & uomi-  
tum stringit. ¶ Ad eos qui sine uoluntate egerunt. Accipe succum symphyti & hypocystidos, & fæ-  
cem olei & ceram, fac inde magdaleones, & postea mitte in anum. ¶ Ad sanguinem reprimendum, si ali-  
cui cum sanguine anus exierit foras. Puluerem aspalathi & gallę superasperge, si cum sanguine anus exie-  
rit, aquam in qua cocti fuerint caules immitte. Item unge ex aloē cum uino ueteri distemperato.

¶ Ad

**A** ¶ *Ad dysenteriam, & lienteriam probatum.* Poma syluestria in aqua coque, & calida super umbilicum & super renes pone, more emplastrī inducta, & illis refrigeratis, alia tepida assidue superponantur: in die una uel nocte etiam desperatis cito subueniunt. quòd si hoc suppositorium adiungas, citius restringit: quod sic facies, Accipe porrum cum capillis suis de terra abstractum, non lauratum, sed à terra excussum: tere, & exprime succum, remotis prius folijs, & misce succum cum resina super regulam calidam: & exinde cum lana succida fac suppositorium, & quando frigidum fuerit, calefacito: & quando siccatum fuerit, renoua ter uel quater. certum est. ¶ *Ad eos quibus anus exit foras.* Aquam ubi cocti fuerint caules tolle, & ano immitte. Item unge ex aloe, & cum uino ueteri distempera. ¶ *Ad idem.* Puluerem aspalathi, & gallæ superasperge. ¶ *Item ad dysenteriam.* Calefac petram molendini, & fròdes porri pinsitas superpone cum aceto forti: & homo in sella perforata sedeat circumquaque inuolutus, & totum fumum per anum recipiat bis uel ter. ¶ *Item ad pondus.* Vinū coctum, cyminum coctū cū nitro, & pice de romanía fac bullire, & super sedeat. Sic etiam saluía iuuat, tegula quando calida fuerit, si super sedeat patiens multum iuuat. ¶ *Suffumigium ad lienteriam.* Spolium serpentis, aut carnem eius siccā suffumiga. ¶ *Pilulæ ad dysenteriam probatæ.* Recipe opij, styracis, croci orientalis, gallæ, maceris, mastiches, myrtilli, rosæ siccæ, gummi de Baby

**B** lonia, myrrhæ, roris syraci, aluminis, gallæ, acaciæ, balauistiæ, æquale pondus, tempera cum aceto, & fac catapotia, & da mane & fero. iij.

*Contra uitia renum, & ilium.*

¶ *Ad dolorem renum.* Folia lauri pinse fortiter, & coque in uino optimo quousq; coaguletur, & superpone renibus modo emplastrī. Adrianum balsamatum utile est nephriticis, & turbulentam urinam faciētibus, & in uesica lapidem habētibus. Philanthron ad idem ualeat. Sic diapepereon, & Euchariston. ¶ *Potio probata ad ilium dolorem, & ad frangendum lapidem.* Recipe dactyli mundati intus & foris, saxifragiæ, radicis capparidis, petræ lycuri, ossis de corde cerui [ petræ de corde ceruino ] gariophyllorum, seminis citri, cucumerorum, seminis apij, alumen de Africa, seminis Alexandrini, & petroselini seminis, radicis asparagi. añ. unc. i. mel quod sufficit, bibant in balneo cum uino uel aqua calida in modum auellanæ. Vrinam enim mouet, & lapidem frangit. ¶ *Ad idem.* Cardui radicem cum oratione dominica collige: & laua nouem uicibus, & pinte fortiter, & mitte nouies nouena grana piperis, colabis, & succum ad bibendum dabis. probatum est. ¶ *Emplastrum ad idem.* Recipe †ladani, adipis ursini, olibani, saxifragiæ, petræ lycuri, myrrhæ siccæ, opopanacis, añ. ʒ. i. ceræ. ʒ. iij. olei quod sufficit. ¶ *Sorbitiuum ad idem.* R. †galangæ. ʒ. i. zedoariæ, saxifragiæ, grana solis, seminis apij, anisi, asari, squinanthi, omnium æquale pondus, pone in vi. lib. aque, bulliant ad medietatem, cola, & proijce species, & da ut bibat mediam phialam.

*Ad ilium dolorem, & frangendos lapides, & stranguriam, & dysenteriam.*

¶ *Discessu.* Recipe seminis hederæ, gummi eius, saxifragiæ, petroselini macedonici, apij, piperis, pyrethri añ. ʒ. i. dauci, grana solis, cardamomi, myrrhæ, asparagi, agarici, cinnami, seminis citri, carui añ. unc. i. sanguinis hirci de mense Augusti, galangæ, diagridij ana unc. ij. aloes unc. iij. spicæ nardi unc. ij. mel quod sufficit. ¶ *† Sclerosmon faciens nephriticis, dysentericis, sanguinem uomentibus, ad dolorem stomachi, arthriticis, & ischiadicis.* Recipe cinnamomi, styracis, spicæ, zingiberis, xylobalsami, castorij, costi, pyrethri, smyrnidis, id est genus uernicis, terebinthinæ, sagapeni, opoponacis, galbani, dauci, hyoscyami, piperis, petroselini ana unc. viij. gariophyllorum, opij an. drach. iij. balsami. unc. v. mellis quod sufficit: datur in modum auellanæ cum tepida. ¶ *Item ad ilium dolorem.* Tolle hederam terraneā, fac bullire ut fomentē, & tolle grana caudæ uulpinæ, & laua. ix. aquis, & tere, & da succum patiēti: & tolle tres cymas rubi, & tres urticæ, pinse: & accipe lilij radices siccas, & tere ut puluis inde fiat: & accipe petram quam homo mingit, & fac puluerem, & misce cum puluere lilij: & accipe radicem pastinacæ, & laua. ix. aquis, & cum aqua ipsius pastinacæ tempera omnia supradicta, & da patienti. probatū est. ¶ *Fomentum ad ilium dolorem, & ad lapides proijciendos, & urinam prouocandam.*

Furfur calidum infusum in aceto, uel arenam marinam cum sale calido, uel asphodeli frixi in oleo calido: hæc omnia singillatim missa in sacco, dolenti superponantur loco. Dauitica potio iliācis efficaciter prodest. ¶ *Antidotum ad lumborum dolorem, & frangendos lapides, ut & lumbi pinguescant.* Recipe nuculeorum mundatorum, amygdalarum, auellanarum, nucum, fistulicorum añ. ʒ. iij. zingiberis. ʒ. iij. cinnamomi, aliptæ añ. ʒ. ij. croci orientalis, galangæ, gariophyllorum ana. ʒ. i. anisi, mastiches ana ʒ. ij. mellis quod sufficit. ¶ *Potio probatissima ad ilium dolorem, ad petram rumpendam, et ad eos qui urinant cum tormēto.* R. gariophyllorū. ʒ. i. cinnamomi. ʒ. iij. zingiberis †. ʒ. iij. costi. ʒ. i. thuris. ʒ. ij. seminis asparagi ʒ. vi. & radicis eius. ʒ. iij. galangæ. ʒ. iij. piperis. ʒ. ij. spicæ. ʒ. viij. croci orientalis. ʒ. iij. myrrhæ ʒ. i. macedonici seminis. ʒ. iij. peucedani. ʒ. ij. saxifragiæ. ʒ. iij. grana solis tantundem, opij. ʒ. ij. seminis lapathij. ʒ. iij. hyoscyami. ʒ. iij. coriandri. ʒ. i. celticæ. ʒ. i. asari. ʒ. ij. petroselini. ʒ. ix. meu. ʒ. x. phu unc. i. lithospermatis, libystici ana ʒ. iij. piperis nigri. ʒ. i. mel quod sufficit. ¶ *Potio ad petram frangendam probata mirabiliter.* R. petroselini macedonici, asparagi semen, grana solis, seminis urticæ, saxifragiæ, petræ lycuri, serpylli, seseleos, chamædryos, xylobalsami, lisybrij, ligni aloes, mannæ, thu pontici ana drach. ij. amomi, seminis anethi, seminis apij, seminis basiliconis, cinnamomi, aliptæ, galangæ, gariophyllorū, zingiberis, zedoariæ, gomphitæ, carui, piperis, añ. ʒ. iij. liquiritiæ, castie fistule, ma-

Spurij.

Da iij stiches:

† aP. sandali  
† aP. Galle

† aP. sclerophi  
lon

† ʒ

## GAL. ATTRIBVTVS ALTER

† ad drach. vi. stiches, spicæ añ. † 3. ix. anisi. 3. ix. amygdalarum. 3. xix. feminis citruli, melonis, cucurbitæ ana. 3. ix. E  
 misce cum melle. Item scarabæum nigrū siccum potui dato: mire prodest. ¶ Ad lapidem frangendum.  
 R. radices foeniculi, apij, petroselini macedonici, pinse, & succum cum uino in potu da.

De colica.

¶ Ad colicam. R. radicem lapathij, chamædryos, eupatorij. i. saluix agrestis, plantaginis, trifolium,  
 uerbenam, gariophyllatam, uiolam, foeniculum, apium, hypericon, cuminum, piper, fac potionē  
 cum uino & melicrato. ¶ Ad idem. Succu foliorum rhani. 3. ij. piperis grana vij. aut. ix. mellis co-  
 chlearia. ij. da ut bibat in Sole, & miraberis. hoc etiā nephriticis ualet. ¶ Ad idem. Hydrelion cum  
 mulla tēperata bibita, & iniecta, mire ualet, maxime si est obstructio stercoris. Item farinam sem-  
 nis lini, & hordei æquali pondere, cum oleo chamæmelino coque, & calidum impone. ¶ Ad idem.  
 Cera. 3. v. ouorum uitelli. 3. vi. farinæ fabæ. 3. iij. olei chamæmelini, & rosati ana. 3. ij. succi feminis  
 lini quantum sunt uitelli ouorum, & farinam cum succo feminis lini bene commisce, & sic ceram  
 & oleum adde, & bene in frigidari permitte, & quando opus fuerit circa loca dolentia impone.

Contra uitia hemorrhoidum.

¶ Ad hemorrhoidas. Tolle cymas pulicariæ minoris, & pinse, & mitte in anum tribus uicibus, & po-  
 stea puluerem de fungo, qui uesica lupina dicitur superpone. ¶ Ad hemorrhoidas, quæ in interius sunt in in-  
 testinis, unde eger facit sanguinem ad fellam die noctuq;. Omne calidum comedat & bibat, quia de frigiditate  
 sunt, & utatur balneo calidæ aquæ, in qua sit absinthiū, sampucū, & pulegiū, & cæteræ calidæ her-  
 bæ, & calefac latā tegulam, & fac eū sedere super sellam perforatā, & pone tegulā subtus, & asper-  
 ge interdū merū de super, ut fumus, & calor sursum saliat: hoc fac quotidie. & postea accipe zinzi-  
 ber & galangā, anisum, masti. & cortices maligna. & gallas, & hypocysti. hæc omnia coque in libra  
 una uini usque ad. 3. iij. & bibat. hoc quoq; faciat ter, uel quater, uel pluries, & de hac decoctione  
 pone in prædicto fumigio super tegulā. comedat gallinas, anseres, perdices, agnos nō multū pin-  
 gues, arietē infra annū, nō pisces, nō fructū: omnia prædicta affata comedat, & quando affaueris,  
 asperge merū super carnē porcina guttatim: accipiat omnia electuaria styptica, & bibat uinū albū  
 cū aqua. ¶ Ad idem. Piper, aloen, saponē spatarenticū, puluerē gallæ, unum uitellum oui affatum,  
 nepitæ frondes, cymas rute, stercus hominis recēs incende, & fac puluerē. hæc omnia simul tunde,  
 & fac sicut cerotū, & cōfice cū uitello oui, & succo saluix: & appone quousq; sanetur. ¶ Emplastrum  
 ad idem. Sume symphytum, auripigmentum, coria mali granati, ammoniacū: fac puluerem, & di-  
 stempera cum castorio, calaminthe, & terebinthina: induc in panno & impone. ¶ Item ad idem.  
 Recipe Gummi hederæ, saponem spatarenticū, panem siccū incisum æquali pondere, fac magda  
 leonem longum quinq; digitorum, & immitte. ¶ Item ad hemorrhoidas. Semen taxi subtiliter pul-  
 uerizatum, & super pinguis simam caricam seminatum, si cum eadem carica est immisum, utilissi-  
 mum est. Oleum etiā fraxini iniectum mire prodest. ¶ Ad idem. Atramentū, alumen, carbonem,  
 corticem arboris nucis, separatim pulueriza, quæ cribellata, in melle ad medietatem decoque, &  
 calidū distēpera non nimis spissum: postea induc in panno lineo, & loco patienti ter uel quater su-  
 perpone. Item gūmi hederæ coctū in oleo lini superponat hemorrhoidibus, & intus mittat, pro-  
 culdubio liberabitur. & puluis radicis tassi combusti idem facit. & sanguifugæ profunt posita.

¶ Unguentum ad idem probatum. Saluix, rutam, olibanum, cerā, oleum, & lac caprifici, liquefac, & cō-  
 misce, & utere. ¶ Ad idem. Aristot. rot. fellis terræ fac puluerē, & liga in iij. frustis panni, & olla ple-  
 na aceto forti bulliat, & ista iij. frusta de super stent cum supra scripto puluere, & calidum quantū  
 durare poterit super ipsas pone, & leuando unam, aliam ponas. ¶ Ad idem. Lappam māducabis,  
 & castaneæ cortex, & galla coquantur in aqua, & dolentia loca frequenter inde abluantur, & satis  
 proficit. ¶ Ad hemorrhoidas intrinsecas, & extrinsecas. R. ciperi, millefolij, marrubij, mentastri, plantagi-  
 nis, centumneruix, æquale pondus, sed minus ponatur de marrubio: hæc omnia tere, & cum forti  
 uino distēpera, & bibat æger octo diebus, uel amplius mane & sero. ¶ Ad hemorrhoidas. Tolle cor-  
 ticem uirginis nucis, & quercus, & aristolochiæ rotundæ, & marinā spongiā, & pone in testa no-  
 ua calida calefacta ad ignem, induc in puluerem, & unge ipsas hæmorrhoidas de calido melle, &  
 postea superpone puluerē istum. ¶ Ad ficus. R. aristolochiæ rotundæ, piperis nigri æquale pon-  
 dus, fac puluerem, & sic utere. Herba calendula trita & superposita multum iuuat. ¶ Emplastrum  
 ad ficum, qui apparet. Mel, stercus pullinum, saponem gallicum, cymas lauri, & baccas commisce, &  
 superpone, tertia uero die solue, & inuenies sanum. ¶ Ad idem res probata. Plantaginis. M. iij. mille-  
 folij, mentastri añ. M. iij. hæc omnia tere, & succum exprime, cui piperis gra. viij. mastiches grana  
 vij. commisce, & ieiunus bibe per triduum, & renoua potionem diebus. ix. ¶ Ad ficum qui sanguinat.  
 Quinquefolium in lacte caprino decoque, & bibe per tridū. Item corallos, chelidoniā cum pi-  
 pere & cerusa tere, & distempera, ieiunus calicem unum bibat plenum, optimum est. ¶ Ad idem.  
 Radicis rafani rotellas manduca ix. ieiunus infusas in melle diebus, ix.

De arenalis mictus signis, & cura.

Signa eorum, qui lapidem patiuntur in uesica, natura eorū subtumida est, pruriginem patiun-  
 tur in ano, & mingere non possunt, nascitur hæc causa magis infantibus, quàm iuuenibus, qui mi-  
 nores lapides mingunt. ¶ Cura. Petroselini semen, apij semen, betonica, saxifragia, gingiberis,  
 enulæ,

**A** tenulæ, radicē fefeli, arteriacæ. s. confectionis, baccarū lauri, urticæ maioris semen, afari radicē, spica, roris marini, costi hortulani, radicem cardui, radicem agarici, marrubij albi, anisi añ. ʒ. i. mellis modicū: teres omnia, dabis qñ non febricitat, mane & sero, cum uino. Item gallū annicularū occide, & in grosserio eius inuenies albos lapides, quos cum uino tere, & da febrienti cum tepida.

## De mingentibus furfures.

Signa eorum qui furfures mingunt, quia per urinam in calice natant, signa hæc si uideris, scias lapides maiores ualde in uesica haberi. natura enim illorum si fuerit manibus fricata, intus redeūt lapilli, & ex confricatione in labijs uesicæ fit scabies, & emittunt per urinam uelut furfures. ¶ *Cura.* Dulcia comedant, & lac caprinum mox multum bibant: si non februnt, caneros fluuiales dabis comedendos. ¶ *Antidotum ad hoc.* R. cymini, seminis apij, melanthij, feseleos, equo pondere cum lacte & melle, & cochlearia singula, omnia commisce. dabis in mane ieiuno cochlearium. Item olera manducēt, maluas, pastinacas, asparagos, oua forbilis, succum hordei cum dulcore & pipere comedant quotidie, & utantur balneis. ¶ *Antidotum ad uesicæ præclusionem probatissimum.* Recipe saxifragiæ, spicæ, betonicæ, squinanthi, cinnamomi, carpobalsami, costi, absinthij, croci, succi liquiritiæ, acori, hyperici, rhu pontici, chamæleontis, petroselini, dauci, ireos, opoponacis, añ. unciam unam, confice, et utere. Item, petroselini, saxifragiæ, apij succum simul bibat, & sanabitur. Itē saxifragiæ, afari, gummi, betonicæ, piperis, añ. ʒ. i. mellis libram unam, uinum quod sufficit, hoc in balneo bibat. ¶ *Ad uesicæ dolorem cura talis est.* In initio oleum rutaceum per clysterem egro frequenter iniicias. Fœminæ uero matrix infundenda erit, & extrinsecus pectinem & inguen ex oleo cyprino calido, & cum lana succida fasciabis, aliquando miscebis castorium si forte plus calidum fieri oporteat. Item clyster ex decoctione fœnigræci, aut radicum maluæ cum oleo mista & calefacta; & si uesica stricta fuerit, subtili fomento relaxare, & urinam adducere oportet. Ad frangendū lapidem succus radicis ualet. Vesicæ uero patienti calculum, adrianum si dederis cum decocto radicum alexandriæ, & semine ocymi, aut brusci, siue asparagi, aut pleni pugilli ciceris rubei. Similiter potio iustini cum uino calido, si dederis, facit philathropos, calculos frangit, mulla lapidem in uesica frangit. ¶ *Ad petram uesicæ.* Recipe saxifragiam, grana solis, petroselinum, quinquefolia, asparagum, bruscum, agrimoniam, & coquantur omnia in uino ut ad tertiam redeant, & postea cola, & adhibe paululum mellis, gariophyllorum drachmam unam, tpetræ de lucubio drachmā unā. da ad bibendū mane tepidū quasi phialam unā, & si potest bibat suc. erysimi & ipsam herbā comedat. ¶ *Diachryson ad petram.* Recipe saxifragiæ, radicis brusci, asparagi, petroselini, apij, piperis añ. ʒ. i. grana solis, alexandri, libystici semen añ. solidum unū, mellis quod sufficit. ¶ *Ad eos qui mingere non possunt.* Oleastri radicem, cuminum, & cepulas teras, & in oleo coquas, & super pectinem ponas. Item parietariam tere, & calefactam super pectinem fascia, & miraberis. Item sanguis hirci triennalis, aut uetustioris cum decocto nardi, & cinnamomi, & siccarum cicadarū puluere datus, mirabiliter, & cum celeritate lapidem expellit.

## De genitalium causis.

¶ *Vnguentum album pro mentula.* Recipe olibani, mastiches, aloes, affæ foetidæ, myrrhæ, añ. unc. i. cerusæ, unc. ij. temperentur cum melle, & sambuco, & ponantur in membro. ¶ *Aliud fuscum.* Pix græca, & aloe cum melle temperentur. ¶ *Ad uulvam stringendam quasi uirgo sit.* Recipe myrrhæ, olibani, mastiches, colophonix, picis nigræ, arsenici, boli, gallæ, gypsi, cornu ceruini incensi, aristo. longæ & rotundæ, omnia æquali pondere, fac puluerem, & in uulvam iniice. ¶ *Puluis ad idem.* Recipe symphyti, aluminis, balauitij, myrrhæ, olibani, mastiches, colophonix, picis nigræ, boli, gallæ, gypsi, cornu ceruini incensi, aristo. rot. galliæ, añ. ʒ. v. fac puluerē, & in uulvam iniice, quæ prius fomentetur aqua pluuiali, in qua cocta sint grana uuæ, cortex castaneæ, & pulegium. ¶ *Confectio ad idem.* Recipe symphyti, corticum mali gra. & mespilorum, & quercus, foliorum rosæ canina, hypocystidos, añ. ʒ. i. maceris, cinnamomi, gariophyllorum, nucis muscatæ, anisi, antheræ pulueris. añ. ʒ. v. ista omnia trita & puluerizata collige cū aqua ro. uel pluuiali, in qua ro. decoctæ fuerint, & inde trochis. formati ad Solem siccantur, & quādo opus fuerit, unum eorū in aqua ros. uel pluuiali resolue, & inde stricta uulua post balneum diutissime fomentetur. Symphyti decoctio idem operatur. ¶ *Ad idem.* Tolle symphytum, & gallam, & gummi pineæ, & cinnamum, & amentum dulce, & fac puluerem, & misce cum pauca aqua, & laua locum, & miraberis. ¶ *Ad menstrua prouocanda.* Recipe ammoniaci albi, galbani, opoponacis, aloes hepatici, colocynthidis interiora, myrrhæ, cicutæ seminis añ. ʒ. ij. tere, & cum succo pororum confice, & fac pilulas ad modum pisi, & da. ʒ. ij. uel. iij. in aqua tepida. ¶ *Item ad idem.* Ante dies. iij. uenam de tibijs incide, aut tibias sacrifica, aut in ambobus talis uenam incide, ita ut in una die unam incidas & in alia aliam, & post hoc dabis tenues cibos, & sic post. vij. dies castorium cum pulegio ad bibendum dabis, aut calamēto. educit enim menstrua pulegium, & calamentū coctum cū mulla. Est autem tempus dandæ decoctionis uel potionis utile post balneum in fabanis, quia sic data multum operatur, & plus his dictamus, & satina data similiter. utiliter etiam datur picra, quæ recipit aloes drachmam unam. Quando autem ex plenitudine, & pingui superfluitate retinentur menstrua, centaurij maioris succo, & radicibus minoris excludantur. ¶ *Ad idem in duabus aque partibus*

## GAL. ATTRIBVTVS ALTER

*tibus & una uini.* Artemisiæ, & saluiæ, brathyos, calamētæ, matrisyluæ ana. M. i. allij quantum de E  
omnibus alijs, & lento igne ad tertiam decoque, de quo ter in die fomentatio fiat, mane, & meri-  
die, & sero eunti dormitum. climax detur cum decoctione cymini. Quæ recipit elemi. ʒ. iij. foeni-  
culi. ʒ. iij. piperis, sesami, syriaci añ. ʒ. ij. erucæ, seminis sileris montani añ. ʒ. i. mel quod sufficit.

*Item ad idem.* Artemisiæ, rutæ, dauci, dictami, phu, meu, nasturcij añ. trita in aqua, fac balneum, &  
da ad bibendam trypheram magnam cum aqua tepi. ¶ *Item ad idem.* Vrticæ maio. radicē, assari,  
hyperici, epithymi, polypodij añ. hæc omnia coque in uino ad medietatē. da mane & sero. ¶ *Ad*  
*idem.* Baccas lauri. xxxvij. tritas cum uino bibat. Item accipe artemisiam & rutam æqualiter, &

adde oleum laurinum, & calefac parumper ad ignem, & facto ex panno pessario intinge, & in os  
uulue inijce. ¶ *Ad sanguinem stringendum.* R. myrrhæ. ʒ. iij. cinnami, mastiches añ. ʒ. ij. facto puluere ac-  
cipiatur cū succo strychni, uel morellæ. Si qua mulier post partum se purgare non poterit, Esdre  
potionem, aut Eucharistum accipiat, uel solū suffumigium de fungis siccis, aut de assa, aut phiala  
plena succo caulium. Sotira, & tryphera accepta menstrua educit. ¶ *Ad menstrua superflua.* Alumi-  
nis scissi, myrrhæ, rubi, thuris añ. ʒ. i. tere, & cum aceto: & confice pessarium de lana munda: & in-  
tinctum in eo suppone uulue. ¶ *Ad idem.* Recipe sponsam solis, & tere, & succum da ad biben-

dum. Pastellum uero in uulua suppone, & athanaliā dabis. ¶ *Ad menstrua prouocanda.* Ex sagape-  
no, opoponace, myrrha, & felle fac pessarium. ¶ *Ad sanguinis profluium.* Facē quæ ex quercu exit  
da ad bibendum mulieri cum aqua calida pluuiali. ¶ *Ad idem.* Accipe lignum sylvatici libystici,  
& mediam corticem quercus, & testas marinas rubras, quæ inueniuntur iuxta mare, & pone in  
uase aliquo, & fac bullire ad ignem cum aqua pluuiali, & fomenta. Item tolle polygonon, & co-  
que cum aqua pluuiali, & da ut bibat. ¶ *Ut mulier concipiat.* In nouem phialis optimi uini mitte no-  
uem rotulas mandragoræ, & foeniculi radices tres, & ad tertiam bullire fac, & bene cola, & phia-  
la mellis addita, nouies nouem grana piperis sparge in puluerem, & iterum aliquantulum bullire  
permittite: qñ autem infrigidatum fuerit, tēpore menstruorum per ʒ. vii. dies bibat mane phialam  
unam: & in obscuro loco iaceat, remotis amicis præter pedissequam quæ eā custodiat, circa sex-  
tam uero horam pullus gallinaceus elixus cum pipere, aniso, & modico anetho conditus simul  
cū iure suo offeratur ut manducet, & de iusculo ad satietatem bibat: uinū leue & modicū accipiat:  
& in nocte iaceat cum uiro, & uir eius uespere & mane diacameron, aut climaxem, aut alexandri  
nam sumat. ¶ *Ad concipiendum eadem die sine periculo.* Myrrhæ. ʒ. i. piperis grana. xl. staphidis agricæ. ʒ. i.  
dabis in uino post balneum. Item nepitam cum uino coque ad tertiam, & mitte ibi calamentum  
aromaticum, galangam, irim Illyricam, spicam nardi æquo pondere, coque ad tertiam, & da ut bi-  
bat per tres dies ieiuna. Item centauream cum folijs tere, & misce cum aqua, & fac pilulas ad simi-  
litudinem ossis dactyli, & inuolue cum terebinthina, & desuper mitte lanam, ne terebinthina ca-  
dat, & inijce. Item uiscū qui est in arboribus tritū cum uino da bibere menstruo incipiēte aut de-  
sinente. Itē in phialis nouē optimi uini de radice herbæ barbæ sylvanæ lib. i. coque ad medietatē,  
et decolato succo, mellis adde phialas duas. & pulueris cymi. ʒ. i. & modicum fac bullire. tempore  
uero menstruali per quinque dies singulas phialas ieiunæ propina mane. & sero in decoctione il-  
lius herbæ sedeat, diuq; calefiat, & sic cum uiro suo coeat. Item coaguli leporis, corticum mandra-  
goræ. añ. ʒ. iij. opij. ʒ. ij. trita cum melle despumato confice, & mane ad modum auellana maioris  
cum tepido uino sumat non ieiuna. Item testiculi cerui puluerizati, & in uino bibiti, & fel capreo-  
li suppositum, idem præstant. ¶ *Item ut mulier concipiat.* Leporis uuluam assatam tere, & da cū uino  
in balneo † in sabanis sedenti ut bibat: & in ipsa die aut nocte si tacta fuerit à uiro statim cōcipiet.

† aP. iii.

† aP. cum

† aP. aspalathū

† aP. uelum

*Potio ad eas quæ non concipiunt, & quibus menstrua non apparent.* R. matrisyluæ, rutæ, artemisiæ, cicuta, radicū  
brancæ ursinæ, singularum fasciculos, quæ pinsitæ & mistæ cum uino albo usq; ad tertiā coquan-  
tur, & eidem decoctioni cochlearia tria de cinere de corde cerui adhibeantur prius, quam ad ter-  
tiam redeat decoctio, deinde coletur cum panno, & colaturæ adhibeantur tria cochlearia olei, &  
tragacanthæ drachmæ tres de Constantinopoli, & simul omnia bulliant, & unaquaq; die mane  
accipiat phialam unam illa cui necesse est. Si matrix descenderit, cum bonis odoribus nares suffu-  
migabis: sin minus, asphaltum sit inferius fumigatum ita, ut in uuluam fumus ingrediatur, & pes-  
sarium de styrace calamita cum lana succida imponatur: si uero uolueris ut concipiat, prius pur-  
getur cum theodorico anacardino, & post purgationem balneetur. Et coagulum leporis in bal-  
neo bibat, & etiam uiro suo tribuat: & post cum ipso iaceat: & si coagulum fuerit masculi, ma-  
sculum: si foeminæ, foeminam concipiet. ¶ *Ut mulier non abortiat, & foetum contineat.* Cancrum fluuia-  
lem contere, & in uino ueteri da ad bibendum, aut leporem prægnantem uiuum accipe & tol-  
le ei catulos de uentre, & coagulum eius cum uino potui dato, & ultra non eijciat. ¶ *Unguen-  
tum ad omnes dolores matricis post partum.* Recipe adipis pullini, sampuci, ana uncias septem, myr-  
rhæ uncias duas, butyri, ceræ, ana uncias sex, adipis anserini, medullæ ceruinæ, terebinthina,  
casiæ, mellis ana uncias septem, aloes uncias duas, confice, & utere. ¶ *Ad idem.* Fac bullire  
oleum, & anethum, & mitte unum † birrum de lana succida: & calidum pone ad matricem.  
¶ *Ad apostema.* Succus frondium porrorum, succus cichorij, uel heliotropij, succus petrose-  
lini, æquali pondere, puluis ferruginis, puluis paleæ hordei, hæc omnia bulliant, & bibat. si